


# ESTALMAT



# galicia

# 2024

Proxecto para o  
Estímulo do Talento en Matemáticas  
de estudantes que naceron en 2011 e 2012

## CONVOCATORIA 2024

INFORMACIÓN E INSCRIPCIÓN

[www.estalmatgalicia.com](http://www.estalmatgalicia.com)

## ESTALMAT-Galicia - Convocatoria 2024

O Proxecto **ESTALMAT-Galicia para Estímulo do Talento Matemático** en estudantes da nosa Comunidade Autónoma anuncia a Convocatoria 2024 da proba de selección dirixida a **estudantes nados nos anos 2011 e 2012**, que conformarán a promoción número 17.

O proxecto **ESTALMAT-Galicia iniciou** a súa andadura no curso 2007-2008, integrado no Proxecto ESTALMAT, iniciativa da *Real Academia Española de Ciencias Exactas, Físicas y Naturales de España*. Conta co apoio da **Consellería de Educación, Ciencia, Universidades e Formación Profesional**, da **Axencia Galega de Innovación**, do **Centro de Supercomputación de Galicia (CESGA)** e da **Facultade de Matemáticas da Universidade de Santiago de Compostela (USC)**, das **Deputacións da Coruña, Lugo, Ourense e Pontevedra** e das empresas e particulares que colaboran có **proxecto SUMO Valor da USC**, como o **Centro de Investigación MesteLab** e **DXC Technology**.

O **obxectivo** de ESTALMAT-Galicia é detectar e prestar atención a nenas e nenos con talento matemático. Trátase de desenvolver aspectos que permitan axudar a pensar en matemáticas, resolver problemas e, en definitiva, pasalo ben coas matemáticas ao tempo que se detecta e canaliza o talento matemático para mellor proveito da sociedade.

O **alumnado seleccionado** participa en actividades formativas adaptadas ao desenvolvemento do seu talento nos dous cursos seguintes, con posibilidade de continuar outro ano máis. As sesións son totalmente gratuítas para os/as participantes e teñen lugar na Facultade de Matemáticas da USC nas mañás dos sábados. As persoas responsables dos/as estudantes seleccionados/as deberán adquirir o compromiso de levalos/as e recollelos/as ao lugar onde se realicen as sesións formativas e actividades presenciais.

O **equipo académico** está composto por máis de 60 docentes de ensino medio e das tres universidades galegas das áreas de Ciencias, Tecnoloxía, Enxeñaría e, maioritariamente, Matemáticas.

**Agradecemos un ano máis a implicación de todos os Centros da Comunidade Autónoma, tanto CPI como IES**, con estudantes en idade de presentarse ás probas. Finalmente, solicitamos a súa divulgación nos Centros educativos entre o profesorado indicado, as familias e o alumnado potencialmente interesado.

Á **proba do 2024** poderán presentarse estudantes que naceron en **2011 ou 2012** e poderán ser seleccionados/as un **máximo de 25 estudantes**.

FACULTADE DE MATEMÁTICAS

Como consecuencia do acordo do comité organizador na súa xuntanza do 3 de maio de 2022, celébrase coas seguintes consideracións:

- Á **proba do 2024** poderán presentarse estudantes que naceron en **2011 ou 2012** e poderán ser seleccionados/as un **máximo de 25 estudantes**.
- Para facilitar á participación na **proba** contamos coa colaboración de dos centros de Ensino Medio para realizala, o **IES Eduardo Blanco Amor en Ourense** e o **IES Castelao en Vigo**, e da **Facultade de Formación do Profesorado no Campus de Lugo**, ademais da **Facultade de Matemáticas da USC en Santiago de Compostela**.
- No formulario de inscrición, indicárase a selección da sede para realizar a proba.

## Inscrición

- Ábrese un **período de inscrición entre o 6 e o 27 de maio, ambos inclusive**. Moi excepcionalmente, poderán terse en conta solicitudes posteriores a esa data nos días anteriores á celebración da proba. A confirmación da inscrición enviarase ao correo das familias indicado na mesma.
- É necesario, por cuestións organizativas da proba, cumprimentar o formulario adxunto de inscrición dispoñible na páxina web do proxecto (<http://www.estalmatgalicia.com>).

Foto de familia do alumnado presentado á proba na Facultade de Matemáticas en Santiago de Compostela en 2023



## Proceso de selección

### Consta de dúas fases:

- A **proba** presencial e escrita realizarase o sábado **1 de xuño de 2024**, nos Centros e Facultades xa mencionados e consistirá na resolución de problemas. Unha vez corrixidas as probas, publicarase unha lista provisional con 25 estudantes preseleccionados/as e unha lista de agarda con 25 estudantes as dúas listas por orde alfabética.
- Posteriormente, levarase a cabo unha **entrevista individual** coas nenas e cos nenos preseleccionados na proba de aptitude, que virán acompañada ou acompañado da súa nai ou o seu pai, ou titores/as, que previamente serán avisados/as persoalmente. Está encamiñada a avaliar o interese e o grao de compromiso co proxecto.
- As listas provisional e definitiva dos/as estudantes seleccionados/as farase pública en: <http://www.estalmatgalicia.com>

Toda a **información** sobre a inscrición e novidades en canto á proba de selección serán publicadas na nosa páxina web [www.estalmatgalicia.com](http://www.estalmatgalicia.com)

En datas previas á da proba, faremos público na web do proxecto un pequeno **vídeo** no que a presidenta comentará cuestións de organización da proba e o funcionamento do programa.

Agradecemos o seu interese e responderemos ás dúbidas que lle poidan xurdir sobre o programa e que nos envíen á dirección electrónica: [estalmatgalicia@usc.es](mailto:estalmatgalicia@usc.es)

2 de maio de 2024

**O Comité Organizador**  
**Proxecto ESTALMAT-Galicia**